

无上黃錄大齋立成儀卷之三十四 白

三洞法師沖清先生召月先傳授  
太上執法仙士辭叙與撰集

齋法修用門

釋出官啟事

張萬福天師曰凡傳言驛行皆憑神道庶得感通所言神道仙官吏兵是也仙官吏兵須是師受即仙靈治錄三部八景三十二天玉童玉女五帝直符直事等是也道士身有此仙官始得預齋請必輸屈折因冒其靈胎其罪考謹之發錄畢眾官長跪法師叩齒二十四通出吏兵上啟畢各叩齒三通咽液三過右出靈寶太極敷齋威儀經仙公曰此謂初齋啟事儀日夕六時燒香惟向香鑪咒耳便禮拜也張清都曰建齋止出一官至齋說言功不復出吏兵也

釋上啟願念

正齋上啟聖位及後語出靈寶真科乃乘天神人所說三上香願念文出下元黃錄簡文靈仙品今故燒香自歸依師尊大聖眾至

與道合真等語凡齋科三上香願念之文皆然而今科上啟後亦云與道合真蓋以黃錄簡文經中所載三檢香願念之前亦有此文不敢改易經語張清都科亦因之恐後學不知其故略為釋出

釋二十方儀

隨方依科儀謝日官東北方月官中微西南方星官水府經法北方四徽各隨本方

右二十方儀文為拔度罪根威儀出靈寶下元黃錄簡文靈仙品

釋各恩九色圓象咽液命魔

先叩齒三通咽液三過心存日月在已面上

從身孔入洞房金華官兩眉間却入辟方一

玉枕徹照十方隨我繞經而行之矣又叩齒

三通通液三過右出太上

密咒并釋此廣成先生曰此密咒不

黃中策悉斬枝密密制強精斷邪翁太上有命太上房急召北帝詣玉官受承威令宣魔王五炁翁鬱與命衝秘藏玉文方說隆三天運明六天運終賢者哉

右出靈寶五符人鳥經洞真八道命籍存

思之法與此不同并附見于後可兼用之

禮方竟還東向思神閉目叩齒五嚥液五

存五神備在身中五符煥明內外五方奉

魔奔走速進來侍衛者嚴裝羅列在真官

後良久咽液三叩齒三誦人鳥山經咒曰

張萬福天師曰天尊未說經之前諸天三界

魔王五帝大魔皆為萬神之尊總領鬼兵遊

觀太空自統赫奕與天齊功行威縱毒病苦

萬人男女禱祝煞響鼓舞以敬畏之天尊說

經之後百魔伏化而神公受命善掃不祥魔

無干犯鬼無妖精眾魔既伏天尊聖化便為

諸天上聖妙行真人策駕前驅掃塵啟路所

以眾聖特欲遊天先命諸魔前驅策駕也經

云魔王敬受事故能朝諸天是也所以步虛

先當存恩命魔

右三朝命魔張清都所言盡矣趙道升修黃籙儀觀為內事止於午朝命魔蓋本政和金籙此是其所見錯處非經旨也

釋安虛旋繞

張萬福天師曰玄都玉京山上冠八方即太上無極虛皇大道君之所治也高仙之玄都馬諸天大聖高仙真人各各持齋奉法宗太上虛皇於此矣凡遇齋日並乘飛龍八景雲輿大會太上玄都玉京燒自然旛檀返生靈香飛仙散花旋繞七寶臺三下行誦空洞歌章也其時八風揚播香花交散流煙霧翥太上稱善又飛天之神常乘碧霞之輦遊於玉隆之天一日三時引天中眾聖上朝七寶之宮七寶之臺七寶玉官皆元始天尊所居諸天眾聖朝時皆旋行誦歌洞章即升玄步虛章或旋空歌章大梵無量洞章之流也靈呪畢都講唱安虛旋繞以次左行繞經三周其第一首但平立而經像作第二首即旋行至第十首須各復位竟之每稱善各回身向中

散花禮一拜法十方朝玄都也

右按上元金籙簡文真仙品曰拔度生死建齋威儀禮十方畢次一時左轉繞香燈三月師誦安虛之章弟子都門讚祝三月如玄臺法事畢相次安徐雅步調聲正氣誦誦空洞之章勿得觀瞻意念不專遲速越錯更相進却要量壇席廣狹為則如壇席狹處第二第五第八首旋繞散花餘面經像作可也

步虛空洞之章十首并釋

稽首禮太上 燒香歸虛無 流明隨我迴  
法輪亦三月 玄願四大興 靈慶及王侯  
七祖坐天堂 煌煌耀景敷 爾歌觀太漠  
天樂適我娛 齊聲無上德 下仙不與儔  
妙想明玄覺 說說巡虛遊  
旋行躡雲綱 乘虛步玄紀 吟詠帝一專  
百關自調理 俯命八海童 仰携高仙子  
諸天散香花 蕭然靈風起 宿願定命報  
故致標高擬 歡樂太上前 萬劫猶未始  
嗚哉玄都山 十方宗皇一 迢迢天寶臺

光明燭流日 焯焯五林華 倩燦曜朱寶  
常命喻玄精 煉液固形質 金光散紫微  
窈窕大衆逸  
俯仰存太上 華景秀丹田 左顧提鸞儀  
右時携結璘 六度冠梵行 道德隨日新  
宿命積福應 閱經若至親 天挺超世才  
樂誦希微篇 冲虛太和氣 吐納流霞津  
胎息靜百關 寥寥究三便 沉九洞明景  
遂成金華仙 魔王敬受事 故能朝諸天  
皆從齋戒起 累功結宿緣 飛行凌太虛  
提携高上仙 旋憩玄景阿 仰觀劫刃臺  
控轡適十方 逍遙太上京 相與坐蓮花  
俯眇紫雲羅 積學為真人 恬然榮衛和  
積學為真人 恬然榮衛和 未享無期壽  
萬春莫是多

大道師玄寂 升仙友無與 公子度靈符  
太一捧酒章 舍利耀金姿 龍駕故來迎  
天專時靈臺 飄飄乘虛翔 香華若飛雲  
紛霏茂玄采  
頭腦禮金闕 携手還玉京 審樹圓景園

煥爛七寶林 天獸三百名 獅子巨萬尋  
 飛龍躡躡鳴 神鳳應節吟 靈風扇奇花  
 清香散人襟 自無高仙才 焉能耽此心  
 載我九龍駕 乘虛以逍遙 八天如指掌  
 六合何足遠 衆仙誦洞玄 太上唱清謚

香花隨風散 玉音成紫霄 五苦一時迸  
 八難順經家 妙哉靈寶園 興此大法橋  
 天真帝一宮 鵲鶴冠曜靈 流煥法輪綱  
 旋空入無形 虛皇拊雲璈 衆真誦洞經  
 高仙瀟乎讚 彌劫保利貞

至真無所待 時或變飛龍 長齋會玄都  
 鳴玉扣瓊鍾 十華諸仙集 紫煙結成宮  
 寶蓋羅太上 真人把芙蓉 散花陳我願  
 握節徵魔王 法鼓會羣仙 靈唱靡不同  
 無可無不可 恩與希微通

右出靈寶玉京山步虛經每一首終各稱善一拜

釋重稱法位大謝

衆各重稱所受法位高功北向大謝衆官人各長跪留叩請止東向

右大謝儀罪之文出黃籙簡文經及靈寶太極教齋威儀經

十念  
 一念為道四次合德某家七祖父母免脫憂苦上升天堂衣食自然

二念帝王國主道化興崇庠序濟濟皇化恢弘威儀翼翼普天所瞻民稱太平戎夷賓服妖惡日滅賢聖日生

三念法師功德大建教化明達俱獲飛仙四念同志學人早得仙道更相開度

五念九親和穆好尚仁義貴道賤財行為物範

六念損己布施道士及飢寒之者天下人民各得其所

七念蠕動蚊行一切衆生咸蒙成就

八念赦責某家門前世生死罪對立功補過九念某家門興盛宗廟有人世生賢才

十念專受師經不敢中怠平等一心廣度一切克獲上仙白日升天拜見太上永成真入服五色雲衣與道合同一作雲華明駕與道合同

十二願并釋

一願大道淡泊虛無安閑空寂澄清自居廣開法門教導頑夫皆蒙善解精苦是修預以同學善得升虛與天相保長存無憂二切衆生咸同寧休

二願諸天結氣澄清高虛廣覆保真固靈氣候朝節四運和平國安民豐普天開寧廣濟一切惠速有生保劫長存億億不傾

三願地土廣載無窮安平不陷海輪不崩保鎮寧國兆民興崇養生安死惠周十方禾稼

種植滋生日豐含德厚載萬願咸從四願日月二景高明無有虧食虧縮安清光

照諸天洞消暗冥保固劫運世祥和平普加潤惠澤灑衆生

五願星辰與日月齊光轉燭照耀映朗十方各安其位經緯直行保鎮安國無有災殃四海寧一普天興昌

六願四時隨節推遷景氣調和無有災患疫毒消滅普天平安五穀豐熟國富民權

七願淨雲結氣聚煙飛空高澄陰覆玄士隱

則無為散則彌天神仙同居結友眾真惠流  
一切興國愛民普濟羣生人同劫年

八願風雨流灑無窮普加施泄受其登揚萬  
物滋生國儲民豐

九願五嶽各安其方巍巍包藏長為仙宮安  
鎮國祚保天無終護度一切莫不仰宗

十願江海蕩蕩無極含容恢廓無細不殖淵  
澳素恩潤加喘息天人獲慶年同劫石

十一願帝王國主日昌四海安穆其華不揚  
天人歌唱吉應來祥敷教濟濟成化洋洋光

庶稱慶長樂未央

十二願蝗飛螞動已生未生成蒙安全普得  
生成皆見元氣受陽之形草木果林經冬不  
零一切濟度靡不鮮榮右出靈寶具  
文要解經

回向誦

向來禮懺功德轉經作轉念功  
德隨宜改換上資家國下  
及存亡同賴齋功轉經作  
成無上道

小啟謝過密咒每日登齋出壇於  
正印前密祝之  
臣等今奉為某官某乙登齋升壇行道切恐  
進止犯科不合儀格為四司所糾五帝所

千愆萬罪乞垂赦免使功德成就啓奏感通  
即仰荷玄中大法師三官五帝罔極之恩  
畢三禮

无上黃籙大齋立成儀卷之三十四



无上黃籙大齋立成儀卷之三十五

三洞法師中靖先生留用光傳授  
太上執法仙士藉叔與撰集

齋法修用門

釋言功拜表

杜廣成先生曰表文以黃素五尺朱界朱書  
每行二十四字生字不在下死字不在上第  
一行盡書法位至頓首字上言獨占一行太  
上無極大道居第二行表後以聞去臣姓三  
行聖號去臣姓三行年月去聖號三行一如  
章法不得塗改注已謹責尤重謹之讀表時  
取表於香上熏之即讀法位起再拜訖復長  
跪和聲正恭讀之至弟子名皆令再拜至誠  
惶誠恐處起再拜至年月日時某處拜上又  
再拜都畢展於玉案上證對御前以龍頭書  
刀鎮聖號之左朱筆鎮右訖次三拾上香長  
跪叩齒三通還表勅表畢法師於案後臨目  
向天門曲身中存三五吏兵及三元將軍功  
曹騎乘羅列前後身乘翠羽車龍馭在紫炁  
中冉冉而升上詣三天門下先謁三天法師